



Broj: 19/09-221-6286/2000  
Tuzla, 25.08.2000.godine

Na osnovu člana 17. Zakona o kantonalnoj agenciji za privatizaciju ("Službene novine Tuzlansko-podrinjskog kantona", broj 3/97), člana 29. Statuta KAP, člana 9. Zakona o privatizaciji preduzeća ("Službene novine Federacije BiH", broj 27/97), poglavlja IV. Uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 10/98) i člana 3. Uredbe o izmjenama i dopune uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 26/98), i Odluke Upravnog odbora Kantonalne agencije za privatizaciju od 25.08.2000.godine, Direktor Kantonalne agencije za privatizaciju donosi

### RJEŠENJE

#### o odobravanju programa privatizacije i početnog bilansa

**1. Odobrava se program privatizacije** preduzeća DD "ANGROSIROVINA" sa sjedištem u Tuzli i sa JMB 1134647.

**2. Odobrava se početni bilans** preduzeća DD "ANGROSIROVINA" sa sjedištem u Tuzli i sa JMB 1134647.

Ukupan kapital preduzeća iznosi	2.604.340,00 KM.
Vrijednost dioničkog kapitala iznosi	68.822,00 KM ( 2,64259%)
Vrijednost državnog kapitala iznosi	2.535.518,00 KM ( 97,35741%)

Državni kapital u nominalnom iznosu od 2.535.518,00 KM prodaje se u postupku velike privatizacije prodajom dionica metodom javne ponude dionica.

#### Obrazloženje

Uvidom u program privatizacije i početni bilans DD "ANGROSIROVINA", utvrđeno je sljedeće:

- preduzeće dostavilo dokumentacionu osnovu za izradu programa privatizacije i početnog bilansa;
- program je usklađen sa odredbama Zakona;
- početni bilans je pripremljen u skladu sa dokumentacijom.

S obzirom da je preduzeće program privatizacije i početni bilans pripremlilo u skladu sa Zakonom, Uredbom o metodologiji za pripremu programa preduzeća i izradu početnog bilansa preduzeća za privatizaciju i Uredbe o izmjenama i dopune uredbe o metodologiji za pripremu programa i izradu početnog bilansa preduzeća za privatizaciju, Direktor Kantonalne agencije za privatizaciju Tuzlanskog kantona donio je rješenje kao u dispozitivu.

Preduzeće po aktivnom podbilansu vodi 68.428 m<sup>2</sup> zemljišta, što odgovara posjedu, a po ZKI ima pravo raspolaganja na 39.183 m<sup>2</sup>.

Revizija prethodno izvršene vlasničke transformacije je urađena i proknjižena, Rješenje o reviziji nije verifikovano od strane revizorske kuće zbog neplaćanja iste.

Protiv ovog Rješenja može se uložiti žalba resornom Ministarstvu putem KAP u roku od 15 dana od dana prijema Rješenja.

Žalbu može podnijeti Upravni odbor preduzeća ili 1/3 dioničara.

1/3 dioničara iz prethodnog stava može uložiti žalbu na početni bilans, a ne na program privatizacije.

Direktor  
Prof. dr. Sevdudin Zahirović